

四庫全書

史部

欽定四庫全書

史部

欽定續文獻通考卷二百二十一
三五

給事中_臣劉芬覆勘

總校官內閣中書_臣孫溶

欽定四庫全書

欽定續文獻通考卷三百五十一

物異考

恒雨

宋理宗寶慶二年三月久雨 三年七月久雨 紹定

五年五月積陰霖靈歷夏徂秋 瑞平三年七月霖雨

嘉熙二年七月霖雨不止烈風大作 淳祐二

年六月積雨浙右大水 寶祐三年五月久雨 六年

湖北諸郡潦 景定二年六月霖雨

度宗咸淳元年閏五月久雨 九年沿江制置使所轄

四郡澇

臣等謹按王圻續通考載十年八月癸丑恭帝已
即位大霖雨水涌安吉臨安餘杭民溺死者無算
史不載

遼太祖神冊二年六月大暑霖澇

時圍幽州不克遂班師

聖宗統和元年九月南京秋霖害稼 九年六月南京
霖雨傷稼 二十七年七月霖雨潢土斡拉陰涼四河
皆溢漂沒民舍 二十九年正月大雨不止

時伐高麗班師至貴州南峻嶺谷自元旦乙亥連日
大雨馬駝皆疲甲仗多遺棄霽乃得免

開泰六年六月時德妃蕭氏賜死葬兔兒山西後數日
大風起塚上晝暝大雷電而雨不止者踰月

道宗咸雍二年四月霖雨 四年七月南京霖雨 太

康八年七月南京霖雨 大安八年十一月通州潦害
稼

金太宗天會二年海蘭伊勒呼水霖雨害稼秋秦州潦
害稼

章宗明昌元年七月淫雨傷稼 四年五月霖雨 六
年六月久雨丙寅崇

衛紹王大安二年六月雨不止

宣宗興定元年秋霖雨

哀宗正大二年四月宿鄭州雨傷麥 天興二年六月
遷蔡自發歸德連日暴雨

時平地水數尺軍士漂沒及蔡始晴復大旱數月識
者以為不祥

元憲宗七年九月霖雨連月

時圍樊城以雨班師

九年夏四月大雷雨凡二十日

世祖至元七年八月保定路霖雨傷禾稼 九年六月

壬辰夜京師大雨壞牆屋壓死者衆 十年霖雨害稼
十二年河間霖雨傷稼 二十三年九月乙丑朔雨
壞太廟 二十四年六月霸州益津縣霖雨傷稼九月
東京誼靜麟威遠博索等處大霖雨是歲保定太原河
間般陽順德南京真定河南等路霖雨害稼太原尤甚
屋壞壓死者衆 二十五年五月汴梁大霖雨河決襄
邑漂麥六月睢陽霖雨河決害稼七月保定路霖雨害
稼霸鄴二州亦如之八月嘉祥魚臺金鄉三縣霖雨害

稼九月獻莫二州亦如之 二十六年六月濟寧東平
汴梁濟南順德真定平灤棣州霖雨害稼七月辛巳雨
壞都城癸巳平灤屯田霖雨損稼八月大都路霖雨害
稼九月平灤昌國等亦如之 二十七年二月晉陵無

錫二縣霖雨害稼四月芍陂屯田霖雨河溢害稼

二萬二千

四百八十畝

七月終南等屯霖雨害稼江西霖雨鳳翔屯田

霖雨害稼 二十八年八月大名之清河南樂諸縣霖
雨害稼九月景州河間等縣亦如之

成宗元貞二年八月寧海州大雨 大德二年七月大
雨河決 五年八月平灤路霖雨害稼是歲峽州隨州
安陵荆門秦州光州揚州滁州高郵安豐霖雨害稼

六年五月歸德府徐州邳州睢寧縣雨五十日十月濟
南濱隸泰安高唐州霖雨害稼 七年六月浙西淫雨

八年五月大名濬滑德州齊河霖雨六月丁酉汴梁
祥符開封陳州霖雨 九年六月潼川霖雨江溢汴梁

霖雨 十年六月景州霖雨 十一年九月

武宗已襄
即位

陽霖雨

武宗至大四年七月鞏昌寧遠縣暴雨山土流涌是月
太原河間真定順德彰德大名廣平等路德濮恩通等
州及河東祁縣霖雨害稼

臣等謹按王圻續通考元年七月真定淫雨二年
七月德州亦如之三年大名路霖雨傷稼史俱不
載

仁宗皇慶元年四月隆興新建縣霖雨傷禾 延祐元

年五月武陵縣霖雨 二年正月霖雨七月潭州金州

永州路茶陵州霖雨 四年四月遼陽蓋州雨水害稼

六年七月霸州文成縣雨害稼

三千餘頃

七年五月汝

寧府霖雨傷麥禾

英宗至治元年四月江州贛州臨江霖雨五月壬寅開

元路霖雨六月處州及通濟屯霖雨傷稼 二年閏五

月安豐屬縣霖雨傷稼 三年五月大名路魏縣霖雨

保定定興縣濟南無棣厭次縣濟寧碭山縣河間齊東

縣霖雨害稼

泰定帝泰定元年六月大都真定晉州深州奉元諸路
及甘肅河渠營田等處大司農屯田諸衛屯田彰德汴
梁等路雨傷稼七月真定廣平廬州十一郡雨傷稼德
州曹州涇雨八月汴梁考城儀封濟南沾化利津等縣
霖雨損禾稼二年五月浙西諸郡霖雨六月奉元衛
輝路及永平屯田豐瞻昌國濟民等署雨傷稼九月漢
中道文州霖雨三年十一月廣寧路屬縣霖雨傷稼

四年十月大都路諸州縣霖雨是歲汴梁諸縣霖雨
河決

臣等謹按王圻續通考載泰定元年濮州等處淫
雨深丈餘史不載殆卽是年濟南及德曹二州所
迭見者

文宗至順二年九月湖州安吉縣久雨 三年六月京
畿大霖雨

臣等謹按元史五行志載文宗至順三年七月京

師霖雨當屬六月之訛

順帝元統二年三月山東霖雨 至元元年六月大霖

雨 二年五月乙卯南陽鄧州大霖雨

自是日至六月甲申乃止

月大都至通州霖雨 三年六月辛巳衛輝路大霖雨

自是日至癸巳不止 四年六月邵武路大雨 至正二年秋彰

德路霖雨 三年四月至七月汴梁路滎澤縣鈞州新

鄭密縣霖雨雪稼 四年夏汴梁蘭陽縣許州長葛鄆

城襄州睢州歸德府亳州之鹿邑濟寧之虞城淫雨害

蠶麥禾皆不登四月淫雨曹濮濟兗皆被災八月山東
霖雨 五年夏秋汴梁祥符尉氏洧川鄭州鈞州亳州
久雨害稼二麥禾豆俱不登河間路淫雨妨害鹽課

八年五月京師大霖雨都城崩圮鈞州新鄭縣淫雨害

麥六月中興路松滋縣驟雨水暴漲

平地深丈有五尺
餘漂沒六十餘里

死者千
五百人

九年七月高唐州大霖雨壞官署民舍歸德

府淫雨

決十
旬

十年二月彰德大雨害麥 二十年七

月益都高苑縣陝州澠池縣大雨害稼 二十三年七

月懷慶路河內修武武陟三縣及孟州淫雨害稼 二
十五年秋密州安邱縣潞州汴梁許州及鈞州之密縣
淫雨害稼 二十七年秋彰德路淫雨

臣等謹按王圻續通考至正十四年四月吉安霖
雨漂沒民居田產十九年岳州大雨經八十日紀
志皆不載

明太祖洪武十三年七月海康大雨壞縣治 二十三
年十一月山東二十九州縣久雨傷麥禾

惠帝建文元年三月乙卯夜燕王營於蘇家橋大雨

平地水三尺及王卧榻

成祖永樂元年三月京師淫雨壞城

西南隅五十餘丈

七月建

寧衛淫雨壞城

二年七月新安衛淫雨壞城八月淫

雨壞北京城

五十餘丈

六年七月思明淫雨壞城 七年

九月浙江衛所五颶風驟雨壞城漂流房舍 八年金

鄉衛颶風驟雨壞城垣公廨 十二年九月密雲後衛

淫雨壞城

二十年正月信豐雨水壞城瞿城衛如之

二十一年二月六安衛淫雨壞城是歲建昌守禦所
淮安懷來等衛皆淫雨壞城 二十二年二月壽州衛
雨水壞城三月贛州振武二衛雨水壞城四月淫雨壞
密雲及薊州城是歲南北畿山東州縣淫雨傷麥禾甚
衆

仁宗洪熙元年夏蘇松嘉湖積雨傷稼閏七月京師大
雨壞正陽齊化順城等門城垣九月久雨壞密雲中衛
城

宣宗宣德元年五月永嘉樂清颶風急雨壞公私廨宇
及壇廟

英宗正統元年七月順天山東河南廣東淫雨傷稼

四年夏居庸關及定州衛淫雨壞城 五年二月南京

大風雨壞北上門脊覆官民舟 七年濟南青菜淮鳳

徐州五月至六月淫雨傷稼 九年閏七月野狐嶺等

處淫雨壞城及濠塹墩臺 十一年春江西七府十六

縣淫雨田禾滄沒 十二年六月瑞金淫雨漂倉庫

水市

文餘溺死
二百餘人

十三年四月雨水壞順天古北口邊倉五

月至六月鳳陽徽州久雨傷稼九月寧都大雨壞城郭

廬舍

溺死甚衆

景帝景泰三年永平兗州久雨傷禾大嵩等二十衛所

久雨壞城 四年南畿河南山東府十州一自五月至

八月淫雨傷稼 五年抗嘉湖大雨傷苗

六旬不止

七月京

師久雨九門城垣多壞 六年北畿府五河南府二久

雨傷稼雲南大理諸府如之 七年兩畿江西河南浙

江山東山西湖廣共府三十恒雨滄田

英宗天順元年濟兗青三府大雨閏月禾盡沒 四年

安慶南陽雨自五月至七月滄禾苗 七年五月淮鳳

揚徐大雨腐二麥武昌漢陽荊州廬舍漂沒

民皆依
山露宿

憲宗成化元年六月畿東大雨水壞山海關永平薊州

遵化城堡八月通州大雨壞城及運倉 二年定州積

雨壞城

凡壞城垣及墩臺
築口百七十三

八年七月南京大風雨壞

天地壇孝陵廟宇鳳陽大雨壞皇陵墻垣 九年三月

南京大風雨拔太廟社稷壇樹 十四年八月鳳陽大

雨沒城內民居

以千計

十七年七月乙酉南京大風雨

社稷壇及太廟殿宇皆摧 十八年河南懷慶諸府夏

秋淫雨三月

凡塌城垣千一百八十餘丈漂公署壇廟民居三十一萬四千間有奇淹死一萬一

千八百餘人

孝宗弘治二年七月京師淫雨 三年七月南京驟雨

壞午門西城垣 七年七月庚寅南京大風雨壞殿宇

城樓獸吻拔太廟天地社稷壇及孝陵樹又義州等衛

自五月至八月雨害稼 八年五月南京陰雨踰月壞

朝陽門北城堵九月潮州諸府颶風暴雨壞城垣廬舍

十年七月安陸淫雨壞城郭廬舍殆盡 十一年七

月長安嶺暴風雨壞城及廬舍 十四年六月義錦廣

寧淫雨壞城垣墩堡倉庫橋梁

民多壓死者

十五年六七

月南京大風雨孝陵神宮監及懿文陵樹木橋梁墻垣

多摧折 十六年五月榆林大風雨毀子城垣

移垣洞於其南

步 五十八年三月雙山堡大雷雨壞城又京畿自六

月至八月連雨

武宗正德元年七月鳳陽諸府大雨

平地水深丈五尺
沒民居五百餘家

二年七月武平大風雨毀城樓長泰南靖大風雨三

日夜

平地水深二丈漂
民居八百餘家

十二年蘇松常鎮嘉湖大雨

殺麥禾 十三年應天蘇松常鎮揚大雨彌月漂室廬

人畜無算 十六年京師久雨傷稼

世宗嘉靖四年六月登州大雨壞城 十六年京師淫

雨自夏及秋不絕房屋傾倒

軍民多
壓死者

二十五年八月

京師大雨壞九門城垣 三十三年六月京師大雨

平地

水數 四十五年九月鄆陽大淫雨壞城垣廬舍

平地水丈

餘人民溺死無算

穆宗隆慶元年六月京師淫雨又遼東淫雨自五月至

七月不止壞垣墻禾黍

神宗萬曆元年七月淫雨 十二年正月喜峯口大風

雨壞各墩臺 十五年蘇松諸府自五月至七月淫雨

禾麥俱傷 二十四年抗嘉湖淫雨傷苗 二十八年

七月興化莆田連江福安大雨城垣橋梁隄岸俱圯

二十九年春夏蘓松嘉湖淫雨傷麥 三十二年七月

京師淫雨城崩 三十三年五月丙申鳳陽大風雨損

皇陵正殿御座 三十九年廣西積雨五閱月 四十

二年浙江淫雨

熹宗天啟六年閏六月大雨連旬壞天壽山神路都城

橋梁是歲遼東淫雨壞山海關內外城垣

軍民傷者甚衆

七

年山東州縣二十有八積雨傷禾

愍帝崇禎五年八月大雨衝損慶陵九月順天二十七

縣淫雨害稼 十一年夏雨決旬圮南山邊垣 十二

年十二月浙江淫雨 阡陌成巨浸 十三年四月至七月寧

池諸郡淫雨 田半為壑 十五年十月黃蘄德安諸郡縣淫

雨 十六年二月戊辰親祀社稷大風雨僅成禮而還

臣等謹按雨水過多為恒就中亦有成災不成災

之別夫歲星之行各率其性而下土應之非必盡

由人事史於大雨水悉紀之本春秋重責已之義

而稗野家因是侈陳災異累牘不休失其旨矣今
於正史但書大雨而無餘文者或雨而不至於水
或言大而水在其中要之既無災證又非淫潦即
亦從略焉蓋恒之為義當書其甚者而常則否也
甘露

遼穆宗應曆十四年四月黃龍府甘露降

聖宗統和九年八月癸酉東京甘露降

道宗大安九年四月乙卯興中府甘露降

遣使祠佛飯僧

金太宗天會十三年四月

時熙宗
已即位

甘露降於熊岳縣

元順帝至正六年八月龍興進賢縣甘露降 二十年

十月國子監大成殿松栢樹有甘露降其上

明太祖洪武二年十月甲戌甘露降於鍾山

羣臣請告廟不許

臣等謹按明史宋濂傳洪武初甘露屢降帝問災

祥之故對曰受命不於天於其人休符不於祥於

其仁春秋書異不書祥為是故也王圻續通考載
二年十月降於乾清宮後苑四年十月降於鍾山
沾潤草木五年十一月甘露又降越明年仍降如
初此宋濂傳所以云屢降也

成祖永樂四年十一月己巳甘露降孝陵松栢醴出神
樂觀

薦之太廟賜百官

憲宗成化六年正月甘露降

帝親御齋宮取以賜百官大學士彭時等撰甘露頌
以進

世宗嘉靖七年正月甲戌朔甘露降長泰等縣 九年
十二月己卯甘露降於顯陵

守臣以聞帝為製欽天記頌

十七年春甘露降龍溪縣

按臣奏進帝以賜大臣

四十一年甘露降於承天皇陵之松樹

鎮守太監張方以獻帝悅羣臣稱賀仍遣官往承天
祭告凡分守叅議及知府太監各賞銀有差

天雨異物

宋理宗紹定三年三月丁酉雨土 端平三年七月甲

申雨血 嘉熙二年四月己酉雨土 三年三月辛卯

雨土 淳祐五年二月丙寅朔雨塵土 十年二月乙

卯雨土 十一年三月乙亥雨土 寶祐二年蜀雨血

三年三月己未雨土 六年二月壬辰雨土 開慶

元年三月辛酉雨土 景定五年二月辛未雨土

度宗咸淳十年正月乙巳雨土

恭帝德祐元年三月己丑雨土

遼道宗咸雍四年六月西北路雨穀方三十里

金世宗大定十二年三月庚寅雨土 十六年三月戊

申雨豆於臨潢之境

其形銳而赤食之味頗苦

二十三年三月乙

酉氛埃雨土四月庚子亦如之

哀宗天興三年正月己酉京索之間雨血十餘里

元世祖至元七年四月壬午檀州雨黑霜

互見黑膏
黑祥門

二十四年十二月丁卯諸王色徹圖部雨土

凡七晝夜
沒死牛畜

成宗元貞二年處州天雨米黑色 大德十年二月大

同路暴雨沙黑霾

斃牛馬二千
人亦有死者

仁宗延祐七年八月

時英宗
已即位

益津縣雨黑霜

英宗至治三年二月丙戌雨土

泰定帝致和元年三月壬申雨霾

文宗天曆二年三月雨土霾 至順二年三月丙戌雨

土霧

順帝元統二年正月庚寅朔河南省雨血六月彰德雨

白毛

俗呼為老乃髻

至元三年三月天雨毛

如綿而綠俗呼云菩薩線

四年四月京師天雨紅沙 五年二月庚寅信州雨土

至正元年礮嘉縣天雨鐵

民舍山石皆穿人物遇之皆斃

四月鎮江

丹徒縣雨紅霧

草木葉及行人裳衣皆濡成紅色

十一年十月天雨

黑子於饒州

大如黍

衢州東北亦如之十一月建寧浦城

雨黑子

如稗實

邵武雨黑黍

如蘆稜

信州雨黑黍鄱陽縣雨

菽豆郡邑有民取而食之 十五年春薊州雨血 二

十五年六月戊申京師雨魚

時大雨魚隨雨而落
長尺許人取而食之

臣等謹按王圻續通考載順帝至正十二年湖廣

雨粉針民家門戶壁柱之間有粉痕如針樣無數

十八年冬衢處等州雨黑黍內白如粉二十一年

昆明縣天雨鐵傷禾稼民居半圮二十七年八月

辛酉上海縣浦東俞店橋南牧羊兔三四聞上恰

恰有聲仰視之流光中墮一魚刺成二創其狀不

常見自首至尾根僅盈尺濶而短是日晴無陰雲
亦無鵬鶴之類甚可怪也日將晡縣市人闕然指
流星自南投北即此時也橋下一細民家欲取烹
食其妻鹽而藏之來者多就觀焉或曰志有云天
隕魚人民失所之象史皆不載

明太祖洪武十年正月丁酉夜應天雨墨

如墨汁

浙江金

華處州諸境皆有之

憲宗成化元年二月天雨黑水於襄陽

水王圻續
通考作黍

九

年四月乙亥兩京雨土 十三年二月甲午山陰雨血
射人六月京師雨錢

孝宗弘治三年三月陝西慶陽府雨石無數

皆作人言

十

年三月己酉雨土 十一年四月辛巳雨土 十七年
二月甲辰鄆陽均州雨沙

武宗正德八年十月癸巳杭州雨黑水

世宗嘉靖元年正月丁卯雨黃沙 六年五月甲午京
師雨錢七月壬辰南京雨血 二十一年十月象山縣

天雨黃霧

行人口
耳皆塞

十三年二月己未雨微土

穆宗隆慶元年三月甲寅南鄭雨土 二年四月天雨

黑豆

互見黑普
黑祥門

據御史周弘祖言也

神宗萬曆二十五年二月癸亥湖州雨黃沙 四十六

年三月庚午暮刻雨土

愍帝崇禎七年二月海豐雨血 十年山東雨黑水新

鄉亦如之

臣等謹按以上所載雨土雨血大約互見黃青黃
祥等門

欽定續文獻通考卷二百二十一

欽定四庫全書

欽定續文獻通考卷二百二十二

物異考

恒暘

宋理宗紹定二年五月成都潼川路歲旱

嘉熙元年夏建康府旱 三年旱 四年六月江浙福

建大旱 淳祐五年秋七月旱鎮江常州亢旱 七年

旱 十一年閩廣及饒州旱 寶祐元年六月江湖閩

廣旱 六年旱

六年三月詔自冬徂春天久不雨民失東作自四月一日避殿減膳甲申大雨

臣等謹按王圻續通考載理宗寶祐五年處州旱又度宗咸淳十年亦云處州旱史皆不載

度宗咸淳九年沿江制置使所轄四郡夏秋旱 十年

九月恭帝已即位閩中廬州旱長樂福清二縣大旱准西四

郡旱

臣等謹按度宗紀咸淳九年十二月丁亥以沿江
制置使所轄四郡夏秋旱澇有免租事故恒雨與
恒暘互見之

遼穆宗應歷十二年五月旱

命左右以水相沃頃之果雨

十六年五月旱

時以歲旱泛舟於池禱雨不雨舍舟立田中禱乃雨
十七年四月旱射柳祈雨

復以水沃羣臣

景宗保寧元年五月旱射柳祈雨 七年四月旱射柳

祈雨

聖宗統和元年東京平州旱 八年四月旱

興宗重熙九年六月旱射柳祈雨

十五年楊佖為武定軍節度使境內亢旱苗稼將槁

視事之夕雨澤沾足百姓歌曰何以蘓我上天降雨

誰其撫我楊公為主

道宗咸雍二年七月旱 三年南京旱 十年四月旱
大康六年五月旱

時禱雨命左右以水相沃俄而雨降

遼史蕭文傳曰道宗壽隆末文知易州時大旱百姓憂甚文禱之輒雨屬縣又會淫雨不止文復隨禱而霽是歲大熟

臣等謹按王圻續通考載蕭文事一稱太康八年七月易州霖雨一稱乾統八年六月易州大旱前

後皆誤

天祚帝乾統元年四月旱 八年六月旱射柳祈雨

金熙宗天眷三年六月大旱 皇統三年陝西旱

世宗大定四年五月旱

勅有司審寬獄禁宮中音樂放毬場後夫詔禮部尚
書王競禱雨於北嶽叅知政事石琚望祭於北郊士

子雨

九年六月旱

時以久旱命宮中無用扇庚子雨

十二年四月旱 十六年中都河北山東陝西河東遼東等十路皆旱 二十年七月旱

臣等謹按玉折續通考又載二十年夏早有完顏宗道祈雨事今以列傳考之章宗明昌時宗道以陝西路統軍使特進三階兼知京兆府事時夏旱俾長安令取太白湫水步迎於遠郊及城而雨是歲大稔人以為精意所感刊石紀之非大定時事

章宗明昌元年夏旱 二年五月桓撫等州旱秋山東
河北旱 三年四月旱秋綏德旱 承安元年自正月
至五月不雨 二年自正月至四月不雨 四年五月

旱

先是承安元年旱命徙市乃雨復市如常至四年旱
詔求直言避正殿減膳審理冤獄應奉翰林文字陳
載言四事其一邊民苦於寇掠其二農民困於軍需
其三審決寬滯一切從寬苟縱有罪其四行省官員

例獲厚賞而沿邊司縣曾不沾及此亦干和氣致旱
災之所由也帝是之

泰和三年四月旱 四年四月旱 五年夏旱

衛紹王大安二年六月山東河北大旱 三年三月山

東河北河東諸路大旱 崇慶元年三月大旱是歲河

東陝西山東南京諸路旱 二年

五月改元至寧

陝西河東大

旱

是年以陝西河東諸處旱遣工部尚書高道拉祈雨

於嶽瀆乃雨時斗米有至錢萬二千者

宣宗貞祐三年自去冬不雨雪至於三月不雨 四年

七月旱 興定二年六月旱 三年夏旱 四年六月

旱 五年三月旱

三月間以久旱詔中外仍命有司祈禱

元光元年四月京畿旱

哀宗正大二年四月旱 三年三月陝西旱四月旱

五年四月京畿旱八月旱 天興二年六月遷蔡復大

旱數月

元太宗十年八月旱

定宗三年大旱

世祖中統元年八月澤州潞州旱 三年五月東平濱

棣二州旱 四年八月真定郡及洛磁等州彰德路旱

十一月東平大名等路旱 至元元年二月東平太原

平陽旱

分命西僧禱雨於東平太原平陽

二年西京北京益都真定東平順德河間徐宿邳旱

三年夏黃州旱京北鳳翔旱 四年順天東鹿縣旱

五年京北大旱 六年六月真定等路旱是歲澧州雲

內東勝廣平路俱旱 七年三月益都登萊旱七月山

東南京河間諸路旱 八年四月蔚州靈仙廣靈二縣

旱 九年六月高麗旱 十二年衛輝太原等路旱

十三年十二月平陽路旱 十五年西京奉聖州及彰

德等處旱 十六年七月趙州旱是歲保定等二十餘

路旱 十七年八月大都北京懷孟保定南京許州平

陽旱 十八年二月遼陽懿蓋廣寧北京大定諸州旱

是歲平陽路松山縣旱 十九年八月真定以南旱民

流移 二十二年五月廣平汴梁鈞州鄭州懷孟濮州東

昌廣平平陽彰德衛輝旱 二十三年平灤太原旱五

月汴梁京畿旱 二十四年春平陽旱 二麥枯死秋種不入土

二十五年二月蓋州旱四月萊縣蒲臺旱九月甘州旱

是歲東平路須城等縣安西路商耀乾華等十六州旱

二十六年六月桂陽路旱是歲絳州大旱 二十七
年四月平山真定棗強三縣旱七月滄州樂陵旱 二
十九年二月山東棣州旱

臣等謹按王圻續通考世祖至元三年婺州春不
雨至秋八月十二日四年八月邵武大旱史皆不
載

成宗元貞元年六月環州葭州咸寧伏羌通渭等縣旱
昌慶陽延安西早七月太原平陽安豐河間等路八

月汴梁安西真定等路九月高郵府泗州賀州並旱

二年七月懷孟大名河間旱九月莫州獻州十月化州

十二月遼東太原開元河南芍陂俱旱 大德元年三

月道州旱六月河間大名旱汴梁南陽大旱

民需
子女

七月

懷州武陟縣旱八月揚州淮安寧海州真定順德河間

九月鎮江丹陽金壇二縣俱旱十月歷陽合肥梁縣安

豐蒙城霍邱自春及秋不雨十一月常州路宜興州旱

十二月平陽曲沃縣旱是歲濟南及金復州俱旱 二

年二月浙西嘉興江陰江東建康溧陽池州旱五月衛
輝順德平灤等路旱 三年五月荊湖諸郡及桂陽寶
慶興國鄧岳漢陽常澧潭衡辰沅常寧茶陵江陵等路
旱九月大都揚州淮安十月沔陽揚廬隨黃等州並旱
是歲甘肅額齊訥路屯田旱 四年三月寧國太平兩
路旱五月揚州南陽順德東昌歸德濟寧徐濠芍陂八
月白馬縣十一月平濟縣俱旱 五年六月汴梁南陽
衛輝大名濮州等路旱九月江陵常德澧州旱是歲封

邱武陽蘭陽中牟延津河南滎池蘄州蘄春廣濟蘄

水俱旱 六年正月陝西旱 七年台州諸路旱 八年

六月鳳翔扶風岐山寶雞三縣旱 九年五月道州旱

六月鳳翔扶風七月晉州饒陽縣漢陽漢川縣八月象

州融州柳州屬縣俱旱 十年五月大都京畿旱安西

春夏大旱

二麥
枯死

臣等謹按王圻續通考十年台州旱十一年台州

自夏四月不雨至秋八月人相食紀志皆不載

武宗至大元年二月汝寧歸德二路旱五月渭源縣旱
三年夏廣平大名路旱六月威州洛水肥鄉雞澤等
縣旱七月磁州威州諸縣旱 四年六月河間陝西諸
路旱

仁宗皇慶元年六月濱棣德三州及蒲臺信陽等縣旱
二年三月旱九月京畿大旱

帝於三月旱時宮中焚香默禱遣官分禱諸祠甘雨
大注

延祐二年春檀薊濠三州旱夏鞏昌蘭州旱六月濟寧
益都旱 四年四月德安府旱 五年七月真定河間
廣平中山大旱 七年四月英宗已即位左衛屯田旱六月
黃蘄二郡及荆門軍旱九月瀋陽旱

臣等謹按王圻續通考五年六月荊州旱亦史所
不載者

英宗至治元年四月袁州建昌及廣德路旱五月高郵
早六月臨江路大同路旱 二年六月揚州淮安屬縣

早九月臨安河西縣春夏不雨

種不入土

十一月岷州旱

二月河南及雲南烏蒙等處屯田旱 三年五月大同

路雁門屯田旱損麥夏燕南河南州縣十有四亢陽不

雨土番岷州旱順德真定冀寧大旱十一月

泰定帝已即位

芍

陂屯田旱

泰定帝泰定元年三月臨洮狄道縣冀寧石州離石寧

鄉縣旱六月河間晉寧涇州揚州壽春等路湖廣河南

諸屯田景清滄莫臨汾靈臺六合等州縣皆旱十二月

兩浙及江東諸郡旱 二年三月荆門州旱五月潭州
茶陵州及興國永興縣大旱六月新州路旱七月順德
汴梁德安汝寧隨州息州諸路旱 三年五月廬州鬱
林州及洪澤屯田旱六月峽州大寧廬州德安梧州中
慶諸路屬縣燕南河南州縣十有四亢陽不雨七月關
中大名永平奉元諸路屬縣旱九月南恩州旱十一月
懷慶修武縣旱 四年二月奉元醴泉順德唐山懷州
淳化等縣旱五月大都南陽汝寧廬州等路屬縣旱六

月畿內江南潞霍綏德三州汝寧府旱七月內郡江南
延安屬縣旱八月真定晉寧延安河南等路及藤州旱
十月龍興路屬縣旱十一月永平路旱十二月大都保
定真定東平海南懷慶諸路旱是歲汴梁峽州旱致和
元年二月廣平彰德等郡旱五月涇州靈縣旱六月
江陵路屬縣旱

臣等謹按王圻續通考秦定帝秦定二年五月關
陝皆旱史不載

文宗天曆元年八月陝西大旱人相食 二年正月陝

西大旱

自泰定二年
至是不雨

六月峽州二縣真定河間大名廣

平等四川四十一縣旱七月戊午大都之東安薊州永

清益津縣春夏旱

麥苗
枯

八月河南府路浙西湖州江東

池州饒州及大名真定河間諸屬縣旱十月湖廣常德

武昌澧州諸路旱十一月冠州廬州江西龍興南康撫

瑞袁吉諸路旱十二月冀寧路黃州路及恩州旱是歲

蘄州路夏秋旱 至順元年七月開元大同真定冀寧

廣平諸路及忠翊侍衛左右屯田

自夏至於
是月不雨

肇州興州

東勝州及榆林滄陽等十三縣旱九月特爾根摩琳等

三十二驛旱

自夏秋不雨
牧畜多死

二年四月晉寧冀寧大同

河間諸路屬縣旱六月晉寧二路旱八月景州旱

自六月至

是月不雨是歲冀寧河南二路霍隰石三州阜城平城二縣

旱三年八月真定路冀寧路之陽曲河曲二縣及荆

門州河南府之洛陽縣皆旱四年夏紹興旱

自四月
不雨至

於七月淮東淮西亦旱十一月浙江旱

臣等謹按王圻續通考文宗至順二年三月浙西
旱史不載

順帝元統二年二月安豐路旱三月杭州鎮江嘉興常

州松江江陰旱湖廣旱

自是月不雨
至於八月

四月成州旱河南

旱

自是月不雨
至於八月

六月大寧廣寧遼陽開元瀋陽懿州旱

八月南康路諸縣旱 至元元年三月益都路旱四月

河南東平路及邠武大旱 二年三月陝西旱無麥五

月婺州不雨

自是月至
於六月

是歲江浙自春至八月不雨

六年夏廣東南雄路旱

自二月不雨至於五月種不入土

至正二年

彰德大同二郡及冀寧平晉榆次徐溝縣汾州孝義縣

沂州皆大旱

自春至秋不雨人有相食者

秋衛輝大旱

三年七月

興國路大旱

四年福州大旱

自三月不雨至於八月

興化邵武

鎮江及湖南之桂陽皆旱 五年曹州禹城縣大旱夏

膠州高密縣旱

六年鎮江及元慶奉化州旱

七年

四月懷慶衛輝河東及鳳翔之岐山汴梁之祥符河南

之孟津皆大旱十一月迤北旱

八年三月益都臨淄

大旱五月四川旱 十年夏彰德旱 十一年鎮江旱

十二年蘄州黃州大旱

人相食

浙東紹興旱台州旱

自四月不雨
至於七月

六月桂陽大名俱旱

十三年

自六月不
雨至於秋

八 蘄州黃州及浙東慶元衢州婺州江東饒州江西龍
興瑞州建昌吉安廣東南雄湖南永州桂陽皆大旱

十四年懷慶河內縣孟州汴梁祥符縣福建泉州湖南

永州寶慶廣西梧州皆大旱

祥符旱魃再見泉州
種不入土人相食

十

五年衛輝大旱 十六年婺州處州皆大旱 十八年春

薊州旱莒州濱州般陽滋川縣霍州鄜州鳳翔岐山

縣春夏皆大旱

莒州人相食
岐山亦如之

十九年晉寧鳳翔廣西

梧州象州皆大旱

二十年通州旱汾州介休縣旱自

月至秋
不雨

廣西賓州大旱

自閏五月不
雨至於八月

二十二年河南

洛陽孟津偃師三縣大旱

人相
食

二十三年山東濟南

廣西賀州皆大旱

明太祖洪武三年夏旱

六月戊午朔步禱郊壇

四年陝西河南山西及直隸常州臨濠北平河間永平
早 五年夏山東早 七年夏北平早 二十三年山
東旱 二十六年大旱

臣等謹按王圻續通考太祖吳元年夏六月久旱
洪武十四年金陵久不雨志不載

成祖永樂十三年鳳陽蘇州浙江湖廣旱 十六年陝
西旱

宣宗宣德元年夏江西旱湖廣夏秋旱 二年南畿湖

廣山東山西陝西河南旱 七年河南及大名夏秋旱
八年南北畿河南山東山西自春徂夏不雨 九年
南畿湖廣江西浙江及真定濟南東昌兗州平陽重慶
等府旱 十年畿輔旱

英宗正統二年河南春旱順德兗州春夏旱平涼等六
府秋旱 三年南畿浙江湖廣江西九府旱 四年直
隸陝西河南及太原平陽春夏旱 五年江西夏秋旱
南畿湖廣四川府五州衛各一旱

自六月不雨
至於八月

六年

陝西旱南畿浙江湖廣江西府州縣十五春夏並旱

七年南畿浙江湖廣江西府州縣衛二十餘大旱 十

年夏湖廣旱 十一年湖廣及重慶等衛夏秋旱 十

二年南畿及山西湖廣等府七夏旱 十三年直隸陝

西湖廣府州七夏秋旱 十四年六月順天保定河間

真定旱

景帝景泰元年畿輔山東河南旱 二年陝西府四衛

九旱 三年江西旱四年南北畿河南及湖廣府三數

月不雨 五年山東河南旱 六年南畿及山東山西
河南陝西江西湖廣府三十三衛十五皆旱 七年湖
廣浙江及南畿江西山西府十七旱

英宗天順元年夏兩京不雨杭州寧波金華均州亦旱
三年南北畿浙江湖廣江西四川廣西貴州旱 四

年濟南青州登州肇慶桂林甘肅諸府衛夏旱 五年
南畿府四州一及錦衣等衛連月旱傷稼 七年北畿

早濟南青州東昌衛輝旱

自正月不雨
至於四月

憲宗成化三年湖廣江西及南京十一衛旱 四年兩

京春夏不雨湖廣江西旱 六年直隸山東河南陝西

四川府縣衛多旱 八年京畿連月不雨

運河水涸

順德真

定武昌俱旱 九年彰德衛輝平陽旱 十三年四月

京師旱是歲真定河間長沙皆旱 十五年京畿大旱

順德鳳陽徐州濟南河南湖廣皆旱 十八年兩京湖

廣河南陝西府十五州二旱山西大旱 十九年山西

旱 二十年京畿山東湖廣陝西河南山西俱大旱

二十二年六月陝西旱

蟲鼠食苗稼

凡九十五州縣八月北

畿及江西三府旱九月溫台大旱長沙諸府亦旱

孝宗弘治元年南畿河南四川及開封旱 四年浙江

府二廣西府八及陝西洮州衛旱 六年北直山東河

南山西及襄陽徐州旱 七年福建四川山西陝西遼

東旱 八年京畿陝西山西湖廣江西大旱 十年順

天淮安太原平陽西安延安慶陽旱 十一年河南山

東廣西江西山西府十八旱 十二年夏河南四府旱

秋山東旱 十三年慶陽太原平陽汾潞旱 十四年

遼東鎮春至秋不雨河溝盡涸 十六年夏京師大旱

蘇松常鎮夏秋旱 十八年北京及應天四十二衛旱

武宗正德元年陝西三府旱 二年貴州山西旱 三

年江南北旱 四年旱 自三月至七月 陝西亦旱 七年鳳陽

蘇松常鎮平陽太原臨鞏旱 八年畿輔及開封大同

浙江六縣旱 九年順天河間保定廬鳳淮揚旱 十

一年北畿及兗州西安大同旱 十五年淮揚鳳陽州

縣三十六及臨鞏甘州旱 十六年兩京山東河南陝

西山西旱

自正月不雨
至於六月

臣等謹按王圻續通考武宗正德五年六月京師
旱志不載

世宗嘉靖元年南畿江西浙江湖廣四川遼東旱 二

年兩京山東河南湖廣江西及嘉興大同成都俱旱 赤地

千里殍 三年山東旱 五年江左大旱 六年北畿四

殍載道

府河南山西及鳳陽淮安俱旱 七年北畿湖廣河

南山東山西陝西大旱 八年山西及臨洮鞏昌旱

九年應天蘇松旱 十年陝西山西大旱 十一年湖

廣陝西大旱 十七年夏西京山東陝西福建湖廣大

旱 十九年畿內旱 二十年三月久旱親禱 二十

三年湖廣江西旱 二十四年南北畿山東山西陝西

浙江江西湖廣河南俱旱 二十五年南畿江西旱

二十九年北畿山西陝西旱 三十三年兗州東昌淮

安揚州徐州武昌旱 三十四年陝西五府及太原旱

三十五年夏山東旱

三十七年大旱

禾盡

三十

九年太原延安慶陽西安旱 四十年保定等六府旱

四十一年西安等六府旱

穆宗隆慶二年浙江福建四川陝西及淮安鳳陽俱大

旱 四年夏旱 六年夏不雨

四年旱時詔諸司停刑

神宗萬曆十一年八月庚戌朔河東鹽臣言解池旱涸

鹽花不生 十三年夏京師久旱 十四年三月京師

又久旱

先是十三年四月戊午因京師自去秋至此不雨河
井盡涸步禱郊壇至次年三月乙巳又以久旱命順
天府祈禱

十七年蘇松連歲大旱

震澤為
平陸

浙江湖廣江西大旱

十八年四月旱 二十四年杭嘉湖三府旱 二十六

年四月旱 二十七年夏旱 二十九年畿輔山東山

西河南及貴州黔東諸府衛旱 三十年夏旱 三十

四年夏亢旱 三十七年楚蜀河南山東山西陝西皆

旱 三十八年夏久旱濟青登萊四府大旱 三十九

年夏京師大旱 四十二年夏不雨 四十三年山東

春夏大旱

三月不雨至於六月千里如焚

四十四年陝西旱秋冬廣

東大旱 四十五年夏畿南亢旱 四十七年廣西梧

州旱

赤地如焚

光宗泰昌元年遼東旱

熹宗天啟元年久旱 五年真順保河四府三伏不雨

秋復旱 七年四川大旱

愍帝崇禎元年夏畿輔旱

赤地千里

三年春旱

帝於三月中擇日親禱

五年杭嘉湖三府旱

自八月至十月七旬不雨

六年京師及江西

旱 十年夏京師及河東不雨江西大旱 十一年兩

京及山東山西陝西旱 十二年南畿山東山西浙江

旱 十三年兩京及登青萊三府旱 十四年兩京山

東河南湖廣及宣大邊地旱 十六年旱

十六年旱五月辛丑祈禱雨澤命臣工痛加修省

恒燠

臣等謹按馬端臨通考載恒燠自春秋至寧宗嘉定三年止自後宋遼二朝無可見者

金世宗大定二十九年

時章宗已即位冬無雪

章宗泰和二年冬無雪

宣宗貞祐二年冬無雪

元世祖至元十三年冬無雪

仁宗皇慶元年冬無雪 延祐元年冬大都檀薊等州

無雪

至春草木枯蕉

順帝至元六年冬無雪

明仁宗洪熙元年正月癸未以京師一冬不雪詔諭修省

英宗正統九年冬畿內外無雪 十二年冬陝西無雪
景帝景泰六年冬無雪

英宗天順元年冬宮中祈雪

時直隸山西河南山東皆無雪

二年冬詔令百官祈雪 六年冬直隸山東河南皆無

雪

憲宗成化元年冬無雪 五年冬燠如夏 六年二月

壬申以自冬徂春雨雪不降敕諭羣臣親詣山川壇請

禱 十年二月南京山東奏冬春恒燠無冰雪 十一

年冬以無雪祈禱 十五年冬直隸山東河南山西無

雪 十九年冬京師直隸無雪

孝宗弘治九年冬無雪 十五年冬無雪 十八年冬

溫如春無雪

武宗正德元年冬無雪永嘉自冬至春麥穗桃李實

三年冬無雪 六年至九年連歲無雪 十一年冬無

雪

臣等謹按王圻續通考載武宗正德七年冬燕趙
河朔之地無雪而燠史不載

世宗嘉靖十四年冬深無雪遣官徧祭諸神 十九年

冬無雪 二十年十二月癸卯禱雪於神祇壇 二十

四年十二月甲午命諸臣分告宮廟祈雪 三十二年

冬無雪 三十三年十二月壬申以災異屢見即禱雪

日為始百官青衣辦事 三十六年冬無雪 三十九

年冬無雪明年又無雪帝將躬禱會大風命亟禱雪兼

禳風災 四十一年至四十五年冬祈雪無虛歲

穆宗隆慶元年冬無雪 四年冬無雪

神宗萬曆四年十二月己丑命禮部祈雪 十六年十

七年二十九年三十七年四十七年俱命禮部祈雪

愍帝崇禎五年十二月癸酉命順天府祈雪 六年

七年冬無雪

欽定續文獻通考卷二百二十二

欽定四庫全書

欽定續文獻通考卷二百二十三

物異考

恒寒

雪霜

宋理宗寶慶元年四月辛卯雪 紹定四年二月己巳

雨雪 六年三月壬子雨雪 端平元年二月癸酉雨

雪 二年三月乙未雨雪 嘉熙元年三月霜 二年

二月乙未雨雪 淳祐六年二月壬申雨雪 寶祐元

年二月壬子雨雪 二年三月戊子雨雪 六年二月

雨雪 開慶元年二月庚辰雨雪 景定五年二月辛

亥雨雪

遼太宗會同二年六月丁丑雨雪

興宗重熙十六年三月壬寅大雪

道宗咸雍八年十一月丙辰大雪 太康八年九月丁

未大風雪

牛馬多死

九年四月丙午朔大雪平地丈餘

馬死

者十六七

大安二年八月戊子以雪罷獵 三年正月己

卯大雪

天祚帝乾統二年三月大寒冰復合 九年七月隕霜

傷稼八月丁酉以雪罷獵 天慶三年正月丙子獵狗

牙山大寒

獵人多死

金熙宗皇統二年三月辛丑大雪

海陵正隆四年十一月庚寅霜附木

世宗大定四年正月壬寅大雪

章宗承安二年十月甲午大雪 五年十月癸卯晨陰

霜附木至日入亦如之 泰和五年正月己未朔大雪
十一月戊戌復大雪

宣宗興定三年正月壬午大雪

時帝聞東掖有撤瓦聲問左右知為丁夫葺器物庫
廡舍上惻然諭主者曰雪寒役人不休可乎姑止之
五年十二月丁丑霜附木

哀宗正大三年春大寒 四年八月己巳風霜損禾皆

盡 五年春大寒二月乙巳朔雷雨雪

木之華者皆敗

十二月

陝西大寒

天興元年正月丁酉大雪二月癸丑又雪戊午又雪五月大寒如冬

是時鈞州陽邑盧氏兵皆大敗

元太祖即位之四年六月西討回回國禡旗之日雨雪三尺

時帝疑之耶律楚材曰元冥之氣見於盛夏克敵之徵也

太宗四年正月丙申大雪丁酉又雪

世祖中統二年七月庚辰西京宣德隕霜殺稼 三年

五月甲申宣德咸寧龍門隕霜八月戊申河間平灤廣

寧西京宣德北京隕霜害稼 四年四月丙寅西京武

州隕霜殺麥禾 至元二年八月太原隕霜 八年七

月乙亥鞏昌臨洮平涼府會蘭等處隕霜殺稼 十七

年四月庚子海寧益都等四郡隕霜殺桑 二十一年

三月山東隕霜殺蠶盡死

被文者三萬餘家

二十四年北邊

大風雪

巴圖魯古倫所部牛馬多死

二十六年特默格之地霜殺稼

二十七年五月庚戌陝西南市屯田隕霜殺稼七月

大同平陽太原十一月辛丑興松二州辛酉隆興路並

如之二十九年二月棣州霜三月濟南般陽等郡及

息州屬縣隕霜殺桑九月平灤路霜

臣等謹按王圻續通考世祖至元二十六年五月

丁丑濟南棣州隕霜殺菽紀志皆不載

成宗元貞元年正月癸亥隕霜殺禾

賑安西王山後民

九月戊

戍武衛萬盈屯及延安路隕霜殺禾 二年八月咸寧

縣金復州隕霜殺禾 大德五年二月湯陰縣隕霜殺

麥五月商州亦如之七月癸亥稱海至北境十二站大

雪馬牛多死 六年八月大同隕霜殺禾 七年四月丁亥

濟南路隕霜殺麥五月般陽路隕霜 八年三月濟陽

灤城隕霜殺桑八月營州嵐州文城陽曲懷仁等縣隕

霜殺禾 九年三月河間益都般陽三郡屬縣隕霜殺

桑清莫滄獻四州霜

殺桑一百四十一萬七千餘
本壞蕪一萬二千七百餘箔

十

年二月大同路大風雪七月辛巳大同渾源縣霜殺禾

八月綏德州米脂縣隕霜殺禾

二百八十頃

武宗至大元年八月大同隕霜殺禾 四年七月大寧
等路隕霜

臣等謹按王圻續通考武宗至大元年大名路隕
霜殺桑紀志俱不載

仁宗皇慶二年二月濟寧隕霜殺桑 延祐元年三月
東平般陽等郡泰安曹濮等州大雨雪三日隕霜殺桑

閏三月汴梁濟寧東昌等路隴州開州清城齊東渭源
東明長垣等縣隕霜殺桑果禾苗無蠶七月冀寧隕霜

殺稼

四年夏六盤山隕霜殺稼

五百餘頃

五年五月雄

德歸信縣隕霜殺桑

六年三月奉元路同州隕霜

七年八月

時英宗已即位

諸衛屯田隕霜害稼

英宗至治二年五月壬子遼陽路隕霜殺禾

三年七

月丙辰冀寧陽曲縣大同路興和縣咸寧縣隕霜殺稼

八月袁州宜春縣隕霜害稼是歲大寧蒙古大千戶部

風雪斃畜牧秋忻州定襄縣及忠翊侍衛屯田所營田
象食屯田所隕霜殺禾

泰定帝泰定二年三月雲南府大雪七月宗仁衛屯田
隕霜殺禾 三年二月京師大霜晝霽七月齊哩克昆

屯田霜 致和元年六月諸王諾木達實齊齊克圖和

碩奈瑪台諸郡風雪斃畜牧 至順元年二月自庚寅至

甲午京師大霜晝霽汴梁路封邱祥符縣霜災闕七月
奉元西湖州寧夏應理州鳴沙州鞏昌靜寧邠會等州

鳳翔麟遊大同山陰晉寧潞城隰州等縣隕霜殺稼丙

戌忠翊衛左右屯田隕霜殺稼 二年十一月丁丑興

和路鷹坊及蒙古民萬一千一百餘戶大雪畜牧凍死 三

年八月渾源雲內二州隕霜殺禾

順帝至元元年三月壬辰河州路大雪十日深八尺牛羊駝馬凍

死者十九 五年五月鴻和爾布拉賽音圖布拉尼格德呼

蘇賽音布拉等處六愛滿大風雪 六年三月大鄂爾

多斯風雪為災馬多死 七月達勒達之地大風雪羊馬皆死

九月彰德雨雪

結凍如琉璃

十二月寶慶路大雪

深四尺五寸

七年正月甲辰朔大寒八月衛輝隕霜殺稼九月遼陽

霜早傷禾

八年正月摩琳等處大雪

羊馬凍死

九年三

月温州大雪十年春彰德大寒近清明節雨雪三尺

民多凍餓而死

十一年三月汴梁路鈞州大雷雨雪高密縣

平地雪深三尺餘十三年秋邵武光澤縣隕霜殺稼

二十三年三月東平路須城東阿陽穀三縣隕霜殺

桑廢蠶事八月鈞州密縣隕霜殺菽二十七年三月

彰德大雪

寒甚於冬
民多凍死

五月辛巳大同隕霜殺麥秋冀寧

路徐溝介休二縣雨雪十二月奉元路咸寧縣井水冰

合 二十八年四月奉元隕霜殺菽

明太祖洪武十四年五月丁未建德雪六月己卯杭州

晴日飛雪 二十六年四月丙申榆社隕霜損麥

景帝景泰四年鳳陽八衛二三月雨雪不止傷麥冬十

一月戊辰至明年孟春山東河南浙江直隸淮徐大雪

數尺

淮東之海水四十餘
里人畜凍死萬計

五年正月江南諸府大雪

連四旬

蘇常凍餓死者無算

是春羅山大寒

竹樹魚蚌皆死

衡州雨雪連

綿

傷人甚多牛畜多凍死

十六年七八月越嵩雨雪交作

寒氣若冬

英宗天順四年三月乙酉大雪越月乃止

憲宗成化二年四月乙巳宣府隕霜殺青苗 十九年

三月辛酉陝西隕霜

孝宗弘治六年十月南京雨雪連旬十一月鄖陽大雪

至十二月壬辰夜雷電大作明日復震後五日雪止平

地三尺餘

人畜多凍死

八年四月庚申榆社陵川襄垣長

子泗源隕霜殺麥豆桑辛酉慶陽諸府縣衛所三十五
隕霜殺麥豆禾苗 九年四月辛巳榆次隕霜殺禾是
月武鄉亦隕霜 十七年二月壬寅鄆陽均州雨雪雹
雪片大者六寸 六月癸亥雨雪

武宗正德元年四月雲南武定隕霜殺麥

寒如冬

八年

四月乙巳文登萊陽隕霜殺稼丙辰殺穀 十三年三

月壬戌遼東隕霜

禾苗皆死

臣等謹按王圻續通考武宗正德七年冬江淮風

雪連旬南至洞庭緩流處冰厚尺餘史不載

世宗嘉靖二年三月甲子邳城隕霜殺麥辛未殺禾

二十二年四月己亥固原隕霜殺麥

穆宗隆慶六年二月丁亥南宮隕霜殺麥

神宗萬曆五年六月蘇松連雨寒如冬傷稼 二十四年

四月己亥林縣雪 二十六年十一月辛亥彰德隕霜

不殺草 三十八年四月壬寅貴州暴雪形如土磚民居片瓦無存者

四十四年正月雨紅黃黑三色雪屋上多 四十六

巨人跡

年四月辛亥陝西大雨雪

羸橐駝凍死二千蹄

臣等謹按王圻續通考神宗萬曆二十三年十二

月至正月江南久雪殭尸無算史不載

愍帝崇禎六年正月辛亥大雪深二丈餘 十一年五

月戊寅喜峰口雪三尺 十三年四月會寧隕霜殺稼

十六年四月鄜陵隕霜殺麥

雹

水花木冰附

宋理宗紹定元年五月丁酉雨雹 五年七月甲辰雨

電九月乙巳雨電雷 六年三月丙辰大雨電 端平

二年五月乙未雨電丙申大雨電 三年六月庚戌大

雨電 嘉熙元年二月壬寅雨電

壬寅志作壬辰今從紀

三年

三月癸巳雨電 淳祐二年四月壬申雨電 八年二

月癸巳三月乙丑並雨電 九年正月乙丑雨電 寶

祐三年五月辛酉嘉定府大雨電 四年二月戊辰雨

電 開慶元年五月辛亥雨電 景定元年二月庚申

雨電 三年五月丙寅雨電

時監察御史吳昌裔論常陰證狀其畧曰竊見立秋以來常陰為沴先一日大雨雹越翼日暴風至淫雨不止至於旬時早禾壞於垂成晚稻傷於既穎將恐害於菑盛無以供我軍實又聞天目一帶洪浸漂流水冒近畿是殆為兵為饑之證占書曰雨雹陰脅陽也靈雨陰干陽也方金火之交而厥罰常雨此非陰盛陽微之兆乎今威令積弱不能以運掉三邊紀綱寢頽不能以捺制諸將偏裨擅離部伍而不知有國

法士卒敢凌州縣而不知有朝廷此將帥之權太盛也道路流言謂宮廷宴飲頻為過差房閨妃嬪多著位號外廷之除授或倚於幽陰帥柄之請求輒通於中禁此女寵之謁太盛也端平人材之盛藹然有小元祐之風不一二年初意漸變君子則厭薄為無益小人則愛惜為有才三凶囑託以潛歸二孽覬覦而再起此舊人復用之漸也敵人初犯蜀口五郡為墟繼犯荆襄十州如燬將士征行而不得卧婦子流徙

而不得歸戰則恐事力之不強和則慮情款之不實
又况唐鄧均睦之寇導之以扣江秦鞏松維之族誘
之以幹腹内外受敵殊可寒心此邊患竊發之證也
凡此四端事形於下則變見於天證象孔昭警戒甚
至伏望仰繩祖訓顧諟天命遠聲色戢官寺以清宅
心之源進忠良斥姦回以公用人之柄申明典章以
重御將之法謹固封守以嚴備敵之防而二三大臣
各一乃心各和乃政宮中府中毋使陟罰異同在邊

在廷毋使細大偏重君臣合德中外革心庶轉灾青
為休祥易陰蒙而陽霽矣

臣等謹按王圻續通考又載虞儔應詔上封事謂
陽奮則為雷為電陰凝則為雹為雪方陰陽之相
薄則雷電之交至及陽為陰所勝則雷止而雪作
先震電而後雨雪陰見間隙起而勝陽其後禍亂
之應有若符節今正歲之始建寅之月三陽用事
於卦為泰自戊寅之庚申雷電雪雹俱作於三日

之間臣願警懼修省以答上天仁愛之意則災異
塞於上禍亂伏於下在一念之頃耳臣又聞朝廷
者陽也宮禁者陰也日顯乎晝月顯乎夜而寒暑
成天子理陽道后妃治陰德而後國家理若宮禁
之中宴飲之不節則非所以崇獎聖躬賜予之不
省則將至於空虛內藏女謁行乎內權勢行乎外
尤不可不防其微而杜其漸也至於勲戚貴近時
有濫賞倡優伎藝每蒙宣引宮門啟閉多不以時

豈所謂嚴等威肅宸居哉臣願陛下畏天之威謹
正始之道宗社幸甚臣又聞君子者陽也小人者
陰也自古君子小人勢不兩立君子在內小人在
外於卦為泰小人在內君子在外於卦為否今建
寅之月三陽在內宜泰而否意者在外小人交結
黨與潛謀進用臣願陛下觀拔茅連茹之象以進
君子戒履霜堅冰之漸以退小人無使鸚鷺並棲
薰蕕共器則天意解矣考宋史虞儔不見於列傳

不知何所據也

遼聖宗統和十六年雨水冰

天祚帝乾統三年七月中京雨雹傷稼

金海陵天德三年十二月己丑雨水冰

世宗大定八年五月甲子北望淀雨雹

廣十里長六十里

十

一年六月戊申西南路招討司必爾罕水之地雨雹三

十餘里

小者如雞卵其一最大廣三尺長丈餘四五日始消

二十三年五月丁

亥雨雹

章宗明昌四年十一月壬午木冰 六年二月丁丑京師大雨電 承安二年六月丙午京師大雨電 泰和四年正月壬申陰霧木冰十一月癸酉木冰凡三日 八年四月甲午雨電

宣宗貞祐元年十二月乙卯雨木冰 二年十二月己酉雨木冰 興定元年四月戊午單縣雨電傷稼五月壬辰延州原武縣亦如之 三年十二月壬申雨木冰

哀宗正大二年四月甲午京畿大雨電 三年四月癸

卯河南六月辛卯京東京畿並大雨雹 五年四月鄭

州大雨雹

桑柘
皆枯

元世祖中統二年四月雨雹

大如
彈丸

三年五月甲申順

天平陽真定河南等郡雨雹 四年七月壬寅燕京昌

平縣景州蓨縣開平路興松雲三州雨雹害稼 至元

二年八月彰德大名南京河南濟南太原等郡雨雹

四年三月辛丑夏津縣大雨雹 五年六月甲申中山

大雨雹 六年七月壬戌西京大同縣雨雹 七年五

月辛丑河內縣大雨雹 十五年閏十一月海州贛榆
縣雨雹 十六年保定等二十餘路雨雹害稼 十

九年八月雨雹

大如雞卵

二十年四月河南雨雹害稼五

月安西路風雷雨雹八月真定元氏縣大風雹禾盡損
二十二年七月冠州雨雹 二十四年九月辛卯大

定金原高州武平興中等處雨雹是歲西京北京隆興
平灤南陽懷孟等路鞏昌雨雹害稼 二十五年三月

己酉徐邳屯田及靈璧虹縣濰寧二屯雨雹

如雞卵

害麥

五月辛亥孟州烏河川雨電五寸

大者如拳

十二月靈壽陽

曲天成等縣雨電

二十六年夏平陽大同保定等郡

大雨電七月辛巳兩淮屯田雨電害稼

二十七年四

月癸巳靈壽元氏二縣大雨電六月己亥棣州厭次濟

陽大風電傷禾黍菽麥桑棗

二十九年閏六月丁酉

遼陽瀋州廣寧開元等路雨電

三十年六月壬子易

州雨電

大如雞卵

三十一年四月

時成宗已即位

即墨縣雨電五

月密州路諸城縣大都路武清縣電七月棣州陽信縣

電真定路南宮新河易州涑水等縣電八月德州德安縣大風雨電

臣等謹按王圻續通考載世祖至元六年二月興國雨電大如馬首殺禽獸紀志俱不載

成宗元貞元年五月鞏昌金州會州西和州雨電無麥
未七月壬寅隆興路雨電 二年五月河中猗氏縣雨
電六月大同隆興咸寧縣順德邢臺縣太原交河離石
壽陽等縣七月太原懷孟武陟縣並如之 大德元年

六月太原崞州雨電害稼 二年二月丙子大都檀州

雨電八月彰德安陽縣亦如之 三年八月隆興平灤

大同宣德等路雨電 四年三月宣州涇縣台州臨海

縣大風電五月同州平灤隆興電 五年七月戊戌朔

雨電 七年十一月辛酉木冰 八年五月大寧路建

州蔚州靈仙縣雨電太原大同隆興屬縣陽曲天成懷

安白登風電害稼八月營州嵐州交城陽曲懷仁等縣

雨電 九年六月甲午晉寧冀寧桓州宣德隆興大同

等郡大雨雹害稼 十年四月鄭州管城縣風雹

大如雞卵

積厚五寸

麥及桑棗皆損五月大雨雹七月宣德縣雨雹

十一年五月

時武宗已即位

建州雨雹

武宗至大元年四月般陽新城縣濟南厭次縣益都高

苑縣風雹五月己巳管城縣大雹深一尺癸未濟南般

陽雨雹八月戊子大寧縣雨雹害稼

斃畜

二年三月

己酉濟陰定陶等縣雨雹六月金城崞州源州亦如之

延安神木碾谷盤西神川等處大雨雹

一百餘里擊死人畜

三

年四月丙子靈壽平陰等縣雨雹

四年四月

時仁宗已即位

南陽雨雹閏七月大同宣寧路雨雹九寸苗稼盡損

仁宗皇慶元年四月大名濬州彰德安陽縣河南孟津

縣雨雹五月彰德河南隴西雹六月開元路風雹害稼

二年七月冀寧平定州雨雹景州阜城縣風雹八月

大同懷仁縣雨雹 延祐元年五月庚辰膚施縣大風

雹損稼

并傷人畜

六月戊申宣平仁壽白登縣雨雹

二年

五月大同宣德等郡雷雹害稼 三年五月薊州雹深

一尺 五年四月鳳翔府電傷麥禾九月大同路金城

縣大雨電

六年六月庚戌大同縣雨電

大如雞卵

丁丑晉

陽西涼鈞等州陽翟新鄭密等縣大雨電

七年八月

大同路風雷雨電

英宗至治元年六月涇州及大同路雨電永平路大電

深一尺

害稼七月真定順德大同等路雨電

二年四月

辛亥涇州涇川縣雨電甲寅南陽府西穰等屯風電六

月庚寅思州亦如之 三年五月庚子雨電十二月

時泰

定帝已即位

遼陽岱音愛滿庫庫部風電

臣等謹按五行志載元年六月武州雨電害稼以

地理志考之武州即大同路地故不贅書

泰定帝泰定元年五月冀寧陽曲縣雨電傷稼思州龍泉縣雨電傷麥六月順元太平軍定西州宣德府鞏昌

路及八番金石番等處雨電七月龍慶路雨電

大如平雞卯

地三尺餘八月大同白登縣雨電十二月延安路電灾

二年四月奉元路白水縣電五月洮州路可當縣臨

洮府狄邑縣雨雹六月興州廊州及成紀通渭白水膚
施安塞等縣七月檀州延安廊州綏德鞏昌等處八月
大都路檀州鞏昌府靜寧縣延安路安塞縣九月檀州
並如之是歲陝西府雨雹 三年六月鞏昌路中山府
安喜縣乾州永壽縣七月永平大都房山玉田寶坻諸
縣並雨雹八月龍慶路雨雹一尺損稼 四年五月常
州淮安二路寧海州大雨雹六月中山府雨雹七月彰
德湯陰縣冀寧定襄縣大同武應二州雨雹害稼 致

和元年四月靈州濬州涇州大雨雹傷麥禾五月冀寧
陽曲縣威州井陘縣六月彰德涇州湯陰等縣大寧永
平屬縣並大雨雹

文宗天曆二年七月大寧惠州雨雹八月冀寧陽曲縣

大雹

如雞卵

害稼

至順元年七月大都之東安州及平

棘肥鄉曲陽行唐等縣風雹害稼開元路雨雹 二年

七月冀寧屬縣雨雹傷稼十二月冀寧清源縣雨雹丁
巳雨木冰癸亥又雨木冰是年黃梅雪雹壞民居數百

區 三年五月甘州大電

順帝元統元年三月戊子紹興蕭山縣雨電殺禾麥斃

傷人民 二年二月甲子塞北東涼亭雨電 至元元

年七月西和州徽州雨電 二年八月甲戌高郵寶應

縣大雨電

是時淮浙皆旱唯本縣瀕河田禾可刈
悉為電所害凡田之旱者無一電及之

四

年四月清州八里塘雨電

大如拳其狀有小兒環玦獅
象龜卵之形瓊瓏有竅如雪

而堅 五年十一月癸酉瑞州路新昌州雨木冰至明年

二月壬寅冰始解 至正二年五月東平雨電

如馬首

四年正月汴梁路鄭州尉氏洧川河陰三縣及龍興靖

安雨木冰十一月東平雨木冰 六年二月興國縣雨

電

大如馬首小者如雞卵斃禽畜甚衆

五月絳州雨電

大者二尺餘

八年四

月鈞州密縣雨電

大者如雞子

傷麥禾龍興奉新縣大雨電

傷禾折木八月益都臨淄縣雨電

大如孟孟野無青草赤地如赭

九

年二月龍興大雨電 十年五月汾州平遙縣雨電

十一年四月彰德雨電

大者如芥時麥熟將刈頃刻亡失田疇堅如築塲無稽粒遺留

者地廣三十里長百餘里樹木皆如斧所斲傷行人斃禽畜甚衆

五月文水縣雨電

十三年四月益都高苑縣雨電傷麥禾及桑 十四年

正月甲子朔汴梁城東汴河水

皆成五色花草如繪畫三日方解

六月

薊州雨電冬龍興雨木冰 十七年四月濟南大風雨

電八月丙寅慶陽鎮原州大電 十九年四月莒州蒙

陰縣雨電五月通州及益都臨朐縣雨電害稼 二十

年五月薊州遵化縣雨電終日 二十一年五月東平

雨電害稼

二十二年八月南雄雨電

如桃李實

二十三

年五月鄆州宜君縣雨電

大如雞子

損豆麥七月京師及隰

州永和縣大雨電害稼 二十五年五月東昌聊城縣

雨電

大者如拳小者如雞子

二麥不登

二十六年六月汾州平

遙縣雨電 二十七年二月永州大雨電五月益都雨

電七月冀寧徐溝縣雨電害稼 二十八年二月汴梁

雨木冰六月慶陽府雨電

大如孟小如彈丸平地厚尺餘

殺苗稼斃禽

獸

臣等謹按王圻續通考載順帝至正二十八年二

月汴梁雨木冰狀如樓閣人物冠帶鳥獸花卉百

態具備羽幢朱葆彌望不絕凡五日始解又十日
復冰自汴至平灤皆然不一歲賊陷汴據之

明太祖洪武二年六月庚寅慶陽大雨雹傷禾苗 三

年五月丙辰蔚州大雨雹傷田苗 四年正月戊申雨

木冰 五年五月癸丑夜中都皇城萬歲山雨水雹大如

彈丸 六年十二月乙丑雨木冰 七年八月甲午平涼

延安綏德米脂雨雹九月甲子鞏昌亦如之 八年四

月臨洮平涼河州雹傷麥 十一年正月丁亥雨木冰

十四年七月己酉臨洮大雨電傷稼 十八年二月
雨電 二十二年正月甲戌雨水冰

成祖永樂七年秋保定浙東雨電 十二年四月河南
一州八縣雨電殺麥

臣等謹按王圻續通考成祖永樂十二年十一月
金水河及太液池冰凝具樓閣龍鳳花卉之狀奇
巧特異帝賜羣臣觀之尚書呂震以為禎祥屢見
請率百官表賀不許

英宗正統三年西延平慶臨鞏六府及秦河岷金四州

自夏逮秋大雨電十月丁丑曉木介 四年五月壬戌

京師大雨電 五年四月丁酉平涼諸府大雨電傷人

畜田禾六月壬申至丙子山西行都司及蔚州連日雨

電其深尺餘傷稼八月庚辰保定大雨電深尺餘傷稼

景帝景泰五年六月庚寅易州大方等社雨電甚大傷

稼百二十五里人馬多擊死 六年閏六月乙巳東鹿雨電如雞子擊死鳥

雀狐兔
無算

臣等謹按王圻續通考景帝景泰五年春京師大
電詔求直言御史鍾同疏請朝兩宮復太子下廷
臣議會禮部郎中章綸亦上疏帝怒逮綸考掠詞
連同并逼認通謀南內終不服會大風雨沙下禁
獄杖之斃

英宗天順元年六月己亥雨電

大如雞卵至地經時不
化奉天門東吻牌摧毀

七年十月甲辰雨水冰 八年正月乙丑雨水冰五

月丁巳大雨電

憲宗成化元年四月庚寅雨電

大如卯

損禾稼五月辛酉

又大雨電

五年閏二月癸未瓊山雨電

大如斗

八年

七月丙午隴州雨電

大如鵝卵或如雞子中有如牛者五長七八寸厚三四寸六日乃消

九年五月丁巳雨電

如拳

十三年春湖廣大雨水電

牛死無算

十六年正月辛卯曉雨水冰 十九年六月乙

亥潞州雨電

大者如枕

二十年二月丙子清遠雨電

大如拳

丙戌大雷電復雨電

二十一年三月己丑夜番禺南

海風雷大作飛電交下

壞民居萬餘死者千餘人

二十二年三月

甲寅南陽雨電

大如鵝卵

二十三年十二月戊辰曉木介

臣等謹按王圻續通考載憲宗成化二十年三月

甲申江西新建豐城高安三縣大風雨雷電壞民

舍多壓死此電之異也

孝宗弘治元年三月壬申夜融縣雨電

壞城樓垣及軍民屋舍死者四

人

二年三月戊寅賓州雨電

如雞子擊殺牧豎三人

壞廬舍禾

稼庚辰貴州安莊衛大雷雨雪雹壞麥苗四月辛卯洮

州衛雨水電

水滂三丈

四年三月癸卯裕汝二州雨電

大者

如牆杆積厚二三尺壞屋宇禾稼四月己酉洮州衛雨電及冰塊

水高三四丈漫城郭漂房舍田苗人畜多濟死五年四月乙丑莒沂二州安

邱邳城二縣雨電大如酒孟傷人畜禾稼六年八月己巳長子

雨電傷禾稼大者如拳人有擊死者辛未雨電大如彈丸平地壅積八年

二月壬申永嘉暴風雨雨電大如雞卵小如彈丸積地尺餘白露四起毀屋殺黍

禽鳥多死三月己亥桐城雨電深五尺殺二麥己酉淮鳳州縣

暴風雨電殺麥四月乙亥常州泗邳雨電深五寸殺麥及

菜丙子沂州雨電大者如盃小者如盃人畜多擊死六月乙卯雨電七

月乙酉洮州衛雨水電殺禾

暴水至人畜多溺死者

丙戌甘肅西

寧大雨電殺禾及畜

九年五月丙辰雨電

十年二

月己卯江西新城雨水電

民有凍死者

三月丁卯北通州雨

冰

深一尺

十三年八月戊子雨電丙午又雨電九月壬

戌又雨電

十四年四月丁酉徐州清河桃源宿遷雨

冰電

平地五寸

夏麥盡爛五月乙亥登萊二府雨電殺禾七

月辛卯雨電

武宗正德元年六月戊辰宣府馬營堡大雨電

深二尺

禾

稼盡傷 三年四月辛未涇州雨雹大如雞卵壞廬舍菽麥

四年五月甲午費縣大雨雹深一尺壞麥穀 八年十

月戊戌平陽太原沁汾諸屬邑大雨雹平地水深丈餘衝毀人畜廬舍

十一年六月甲戌宣府大雨雹禾稼盡死九月丙申

貴州大雨雹 十二年五月己亥安肅大雨雹傷禾平地

水深三尺民有擊死者 十三年四月壬午衡州疾風迅雷雨雹

大如雞子稜利如刀碎屋斷樹木如剪

臣等謹按王圻續通考武宗正德十二年九月帝

幸大同獵陽和有雨電隕星之異

世宗嘉靖元年四月甲申雲南左衛各屬雨電

大如雞子禾苗

房屋被傷者無算

五月己未蓬溪雨電

大如鵝子傷亦如之

二年五月

丁丑大同前衛雨電 四年四月丁未大同衛雨電五

月戊子固安雨電 五年五月甲辰滿城雨電六月丁

巳大同縣雨冰電

俱大如雞子

丁卯萬全都司及寧府皆雨

電

大者如甌深尺餘

七月癸未南豐雨電

大如盈形如人面

遂昌雨電

頃刻二尺大穀麻豆

六年六月癸丑鎮番衛大雨電

殺傷三十餘人

十四年三月辛巳漢中雨電隕霜四月庚子開封彰德

雨電俱殺麥 十八年五月壬辰慶都安肅河間雨水

電

大如拳平地五寸人有死傷者

二十八年三月庚寅臨清大水電

損房舍禾苗六月丁卯延川雨電

大如斗

壞廬舍傷人畜

三十四年五月庚子鳳陽大水電壞民田舍 三十

六年三月癸未沂州雨電

大如孟小如雞卵平地尺餘徑八十里人畜傷損無算

四十三年閏二月甲申雨電四月庚寅又雨電

王圻曰嘉靖十七年四月初八日未刻吳城烈風

迅雷水電如注其大如李中有一竅而四圍皆紋
至西陽山一境又大如斗人或有中其頂及耳而
傷并至死者三十七年閏七月淳化諸縣雨電三
十九年六月初二日泗州茂州大雪電七月初七
日茂州又大電

穆宗隆慶元年七月辛巳紫荆關雨電殺稼七十里

三年三月辛未平溪衛雨電平地水湧三尺漂沒廬舍四月己丑鄖

陽縣雨電平地水深二尺五月癸丑延綏口北馬營堡雨電殺

稼七十里十一月癸巳木冰 四年四月辛酉宣府大

同雨雹

厚三尺餘
大如卵

禾苗盡傷

五年四月戊午大雨雹

六年八月乙丑祁定二州大雨雹傷損禾菽

擊斃
三人

王圻曰隆慶元年四月萬全都司大風雷雨雹五

月大同大雨雹七月紫荆關雨雹殺秋稼七十里

二年正月二十四日未時遵化縣有黑雲忽起雨

冰雹小者如彈丸大者如雞子須臾滿地四月初

五日卯時萬全都司及左右二衛葛峪深井等處

白晝晦冥雨雹墜至大者如杯卵小者如棗栗牛
羊有被傷者二十六日大同廣昌縣韓村周村馮
村賈村三家村浮圖峪木積山等處雨雹大如卵
四年四月宣府大同等處雨雹厚三尺餘大如雞
卵禾苗盡傷五月山東膠州臨朐夏津等縣雨雹
損稼七月直隸井陘縣大雨雹五年四月京師大
雨雹五月宣府馬營堡等處常寧堡及獨石俱大
雨雹六年四月昌平州大風雷雨雹

神宗萬曆元年五月辛巳雨電 四年四月丙午博興

大雨電

如拳如卵

明日又如之

擊死男婦五十餘人牛馬無算

禾麥毀盡究

州相繼損禾五月乙巳定襄雨電

大者如卵

禾苗盡損 九

年八月庚子遼東等衛雨電

如雞卵

禾盡傷 十一年閏

二月丁卯秦州寶應雨電

如雞子殺飛鳥無算

五月庚子大雨電

十三年五月乙酉宛平大雨電

傷人畜千計

十四年冬

蘇松木冰

十五年五月癸巳喜峰口大雨電

二十

一年二月庚寅貴陽府大雨電十月丙戌武進江陰大

冰電傷五穀 二十三年五月乙酉臨邑雨電

畫作男
女鳥獸

形 二十五年八月壬戌風電 二十八年六月山東

大風電

擊死
人畜

傷禾苗河南亦雨水電傷禾麥 三十年

四月己未大雨電 三十一年五月戊寅鳳陽皇陵雨

電七月丁丑大雨電 三十四年七月丙戌鳳陽雨電

平地水
深三尺

三十六年五月戊子雨電 四十一年七月

丁卯宣府大雨電殺禾稼 四十六年三月庚辰長泰

同安大雨電

如斗如拳擊傷城郭廬舍
壓死者二百二十餘人

十月壬午雲南

雨電

臣等謹按王圻續通考載神宗萬曆二十八年六月山東巡撫劉易從奏萊州府濰縣於四月十五日天降驟雨冰雹大作形如雞卵平地水深尺餘所種大小麥苗并粟穀等傷壓無存擊死男婦王立兒等十名口牛馱不計其數又兗州府鄆城縣東西長五十里南北濶七八里於二十三日未時大風自西北起拔樹飛瓦大雨如注冰雹如拳如

斧如卵雜下有二時辰擊死牧童趙差兒等十二
名牲畜驢羊共五十七頭倒毀民居五百餘間二
麥花禾皆為齧粉又濟南府淄川縣於二十四日
冰雹如卵如碗怪風震雷黑氣冲天磚瓦飄空人
皆抱頭閉戶頃刻間將廟宇司館士民房屋石牆
牌坊盡行毀壞壓死多命大甕七個被風飄去離
城五里不損毀壞民房三千四百七十五間壓死
男婦劉溱等十二名被傷男婦王可智等六十名

倒石坊六座廟宇司館公署十四處打傷麥田二百九十六頃八十九畝是電災係四月事而史志乃據奏聞時紀之也

愍帝崇禎元年十一月陝西木冰樹枝盡折 三年九

月辛丑大雨電

四年五月襄垣雨電

大如伏牛盈丈小如拳斃人畜

甚六月丙申大雨電 七年四月壬戌常州鎮江雨電

傷麥

八年七月己酉臨縣大冰電

三日積二尺餘大如鵝卵傷稼

十年四月乙亥大雨電閏四月癸丑武鄉泗源大雨

電

最大者如象次如牛

十一年六月甲寅宣府乾石河山場雨

電

擊死馬羸四十八匹

九月順天雨電 十二年八月白水同官

雒南隴西諸邑千里雨電

半日乃止

損傷田禾 十六年六

月丁丑乾州雨電

大如牛小如斗毀傷墻屋擊斃人畜

臣等謹按明史五行志愍帝崇禎年間大河以北

歲木冰有樹枝盡折之異不止元年冬也

欽定續文獻通考卷二百二十三

欽定四庫全書

史部

欽定續文獻通考卷二百二十四

六

給事中_臣劉芬覆勘

總校官內閣中書_臣孫溶

欽定四庫全書

欽定續文獻通考卷三百二十四

物異考

恒風

宋理宗寶慶二年七月戊辰大風 嘉熙二年風電七

月壬午烈風大作 二年風電 淳祐十一年秦州風

寶祐三年六月辛未大風 景定四年十一月福州

颶風

度宗咸淳四年閏正月丁巳大風雷雨居民屋瓦皆動
七年五月甲申紹興府大風六月丙申諸暨縣暴風
十年四月紹興府大風拔木

端宗景炎二年十二月丙子颶風壞帝舟

時帝至井澳颶風壞舟帝溺幾不救遂得驚疾

遼太祖神冊四年十月丙午大風雪

太宗天顯七年八月壬戌暴風雨

是日捕鷺於沿柳湖風雨暴至舟覆溺死者六十餘

人命識以為戒

會同八年三月癸亥夕大風

是日圍晉兵於白團衛村晉兵下鹿角為營是夕大風至矚命鐵鷄軍下馬拔其鹿角奮短兵入擊順風縱火揚塵以助其勢晉軍大呼曰都招討何不用兵令士卒徒死諸將皆奮出戰張彥澤藥元福皇甫遇出兵大戰諸將繼至遼軍却數百步風益甚晝晦如夜符彥卿以萬騎橫擊遼軍率步卒並進遼軍不利

聖宗開泰六年六月大風起於蕭德妃塚上晝暝 七
年五月丕勒達嚕葛部節度使博羅哩至必繼河遇微雨
忽天地晦暝大風飄四十三人飛旋空中良久乃墮數
里外博羅哩幸獲免一酒壺在地反不移

興宗重熙十三年親征元昊以大風起詔班師

北樞密使蕭惠隨帝征夏元昊敗走惠麾先鋒及右
翼邀之夏人千餘潰圍出我師逆擊大風忽起飛沙
眯目軍亂夏人乘之蹂踐而死者不可勝計

道宗泰康八年九月丁未大風雪

王圻曰興宗重熙二十四年張孝傑及第詣佛寺
忽迅風吹孝傑撲頭與浮屠齋墮地而碎有老僧
曰此人必驟貴然亦不得其死後果如所言天祚
帝乾統六年王鼎宰漆水縣時憇於庭忽有暴風
舉卧榻空中鼎無懼色但覺枕榻頓高乃曰吾中
朝正士邪無干正可徐寘之須臾榻復故處風遂
止

金太祖初起兵時遇遼兵於出河店會大風起塵埃蔽天乘風勢擊之遼兵潰走

熙宗皇統九年四月壬申夜京師大風雨丁丑龍關榆

林河大風

壞居民官舍十六七未瓦人畜皆飄颺十餘里死傷者數百人

海陵正隆五年二月辛未鎮戍德順等軍大風壞廬舍

民多壓死 六年六月壬戌夜大風壞承天門鴟尾

世宗大定四年七月辛丑大風雷雨拔木 八年五月

甲子北望淀大風

章宗明昌六年二月丁丑大風震應天門鴟尾壞

承安三年十二月甲子朔大風寒

帝獵於酸棗林以風寒罷獵凍死者五百餘人

泰和三年十月己亥大風 四年三月丁卯大風毀宣

陽門鴟尾

衛紹王大安三年二月乙亥夜大風從西北來發屋折
木通元門重關東華門重關清夷門重關俱折

時有男子郝贊詣省言即位之後天變屢見火焚萬

家風折門闕非小異也宜退位讓有德衛紹王怒誅之隱處

崇慶元年七月有風從東來吹帛一段高數十丈宛轉如龍墮於拱辰門內

宣宗貞祐三年二月戊午大風龍德殿鴟尾壞三月戊辰大風霾興定元年五月己丑河南大風吹府署門以去三年四月癸未陝西黑風晝起有聲如雷頃之地大震四年四月丁丑大風吹河南府署飛百餘步

戶案門鑰開文牘飄散不知所在

哀宗正大元年正月戊午大風飄端門瓦昏霾不見日
黃氣塞天

是日帝初視朝尊皇后為仁聖宮皇太后元妃為慈
聖宮皇太后仁聖曾夢乞丐萬數踵其後心惡之占
者曰后為天下母百姓貧窶將誰訴焉遂勅京城設
粥與水藥以應之人以為壬辰癸巳之兆

四年八月己巳大風吹左掖門鷓尾墜丹鳳門扉壞

天興二年正月丙午朔大風

時幸河朔濟河北風大作後軍不克濟

元太宗五年十二月大風霾凡七晝夜

憲宗六年春大風起西北砂礫飛揚白日晦暝

帝討巴齊瑪克於袞騰吉斯海會大風吹海水盡涸濟
師大捷帝以為天導我也

世祖至元八年十月己未檀順等州風潦害稼 十六

年保定等二十餘路大風害稼 二十年正月汴梁延

津封邱二縣大風麥苗盡拔 二十四年西京北京隆
興平灤南陽懷孟等路大風 三十一年七月時成宗已即位
棣州大風發屋拔木

成宗元貞二年金復州風損禾 大德二年五月衛輝
順德旱大風損麥 五年七月戊戌朔暴風起東北雨
雹兼發 八年九月潮州颶風起海溢 十年二月大
同路暴風大雪壞民廬舍

臣等謹按王圻續通考載成宗元貞二年順德大

風損麥紀志皆不載

武宗至大元年秋歸德大風

四年三月

時仁宗已即位

大風

仁宗嗣位遣宦者李邦寧釋奠於孔子方就位忽大風起殿上及兩廡燭盡滅燭臺底鐵鑄入地尺許邦寧悚息伏地諸執事者皆伏

仁宗延祐七年八月

時英宗已即位

延津縣大風晝晦

臣

等謹案王圻續通考黑青黑祥門載仁宗癸亥

十月六日甲子先一夕因哥邸入繼大統告祭太

廟陰風北來殿上燈燭皆滅良久方息蓋攝祭官
特克實額森特穆爾等皆弑君之元惡也考歷代
甲子圖英宗至治三年歲次癸亥不得係於仁宗
且事當屬之風不當屬黑青黑祥也

英宗至治元年三月大同路大風走沙土壅沒麥田百
頃 二年十二月辛卯大同衛輝江陵屬縣及豐贍署
大惠屯風 三年三月衛輝路大風桑彫蠶死五月庚
子大風拔柳林行宮樹三千餘株

泰定帝泰定元年四月風烈 三年七月大都諸屬縣

寶坻房山縣大風折木八月鹽官州大風海溢捍海隄

崩廣三十里餘袤二十里徙居民千二百五十家以避之大都昌平大風壞民居

九百家揚州崇明州大風龍慶路大風損稼 四年五

月衛輝路大風九日禾盡偃是歲揚州路通州崇明州

大風 致和元年四月崇明州大風

王圻曰泰定帝泰定元年八月二十七日夜永嘉

颶風大作地震海溢入城溺民居樂清尤甚

文宗天曆二年六月永平屯田府所隸昌國諸屯大風
至順元年二月衛輝路胙城新鄉縣大風七月廣平真
定肥鄉保定曲陽亦如之 二年十月吳江州大風

王圻曰文宗至順二年柳林行宮大風拔木三千
七百株

順帝元統元年三月戊子紹興蕭山縣大風拔木仆屋
至元二年三月陝西暴風 至正元年七月廣西雷
州颶風大作湧潮水拔木害稼 二年十月海州颶風

作 四年七月温州颶風大作 七年正月甲辰朔大

寒而風朝官仆者數人 十四年七月襄垣縣大風拔

木偃禾 十七年六月癸酉温州路樂清江中颶風作

十八年正月乙丑大風起自西北益都土門萬歲碑

仆而碎 二十一年正月癸酉石州大風拔木六畜皆

鳴 二十四年台州路黃岩州颶風拔木禾盡偃 二

十七年三月丁丑朔萊州大風庚子京師有大風起自

西北飛沙揚礫昏塵蔽天終夜不止如是者連日

自後每日

寅時風起萬竅爭鳴戍時
方息至五月癸未乃止

臣等謹按王圻續通考順帝至正十三年五月潯
州颶風大作壞官舍民居瓦屋門扉皆飄揚七十
里外十六年温州大風海舟吹上平陸高坡二三
十里死者千數考紀志皆不載

宣宗宣德六年六月温州颶風大作壞公解祠廟倉庫
城垣

英宗正統四年七月蘇松常鎮四府大風拔木殺稼

英宗天順二年二月大風拔孝陵松樹懿文陵殿獸脊
梁柱多摧 三年四月順天河間真定保定廣平濟南
連日烈風麥苗盡敗 八年五月五日大風飄瓦拔木
壞郊壇

憲宗成化十四年八月丁未南京大風拔太廟樹 十
五年八月辛卯大風拔孝陵木 二十一年五月南京
大風拔太廟樹摧大祀殿及皇城各門獸吻

孝宗弘治三年六月壬午朔陝西靖虜衛大風天地昏

暗變為紅光如火久之乃息 七年三月己亥廣寧諸
衛狂風瀋陽錦州城仆百餘丈

武宗正德元年六月辛酉暴風折郊壇松柏壞大祀殿
齋宮獸瓦 二年閏正月癸亥盧龍遷安大風拔樹毀
屋乙丑大風壞奉天門右吻 三年二月己丑大同暴
風屋瓦飛動三日而止 九年二月丁巳長樂大雨雹

狂風震電屋瓦皆飛五月戊辰曲阜暴風毀宣聖廟獸
吻 十二年四月丙辰來賓大風雨雹毀官民廬舍屋

天啓飛十一月癸巳南京大風雪仆孝陵殿前樹及圍
牆內外松栢十二月己酉大理衛大風壞城樓 十三
年三月甲寅慶符大風雹壞學宮 十六年十二月辛
卯甘肅行都司狂風壞官民廬舍樹木無算

世宗嘉靖元年七月己巳南京暴風雨郊社陵寢宮闕
城垣歎吻脊欄皆壞拔樹萬餘株 五年陝西大風捲
毀廟宇民居百數十家

穆宗隆慶二年正月元旦大風飛沙走石白晝晦暝自

京師至江浙皆然三月京師大風揚塵四塞

神宗萬曆十八年三月甲辰大名狂風天色乍黑乍赤

二十六年十月癸亥喜峰露臺西北樓內旋風大作

黑氣冲天樓內有火光 三十四年七月丙戌大風拔

朝日壇樹 四十一年八月乙未青州大風拔樹傾城

屋

熹宗天啟元年三月辛亥大風揚塵四塞 四年五月

癸亥乾清宮東丹墀旋風驟作內官監鐵片大如屋頂

者盤旋空中隕於西墀鏗訇若雷八月戊戌薊州寒風
殺人

愍帝崇禎十四年五月南陽大風拔屋七月乙亥福州
大風壞官署民舍十五年五月保定廣平諸縣怪風
麥禾俱傷十六年正月丁酉大風五鳳樓前門牡風
折三截建極殿榱桷俱折

恒陰
附夜妖

臣等謹按馬端臨通考恒陰之後為夜妖凡晝晦

及昏霧等無甚分別故今以夜妖附恒陰內

宋理宗寶慶二年七月戊辰雷電雨晝晦大風

恭帝德祐元年六月庚子朔日食晝晦如夜

端宗祥興二年二月癸未暮風雨昏霧四塞咫尺不相
辨

遼太宗會同八年三月癸亥夕大風至曙風益甚晝晦

如夜

互見恒風門

聖宗開泰六年六月大風起蕭德妃塚上晝暝

互見恒風門

七年五月天地晦冥大風飄四十三人飛旋空中良久乃墮數里外

道宗咸雍八年正月壬寅昏霧連日

金海陵貞元三年四月丁丑朔昏霧四塞日無光凡十有七日

世宗大定五年十一月癸酉大霧晝晦

章宗明昌六年二月京師大雨雹晝晦 承安五年十

月天久陰

衛紹王至寧元年八月大霧晝晦

宣宗貞祐元年八月戊子夜將曙大霧蒼黑跬步無所

見至辰已間始散

互見黑晴
黑祥門

三年十月丙申夜西北

有霧氣如積土至二更方散 四年正月己未旦黑霧

四塞已時乃散 興定四年正月壬子晝晦有頃大雷

風雨

臣等謹按王圻續通考載宣宗貞祐元年九月大

風昏霾哀宗正大元年正月昏霾不見日已詳恒

風及黃青黃祥門

元成宗大德五年七月戊戌朔晝晦 十年二月大同

路雨沙陰霾

泰定帝泰定四年八月碣門晝晦

文宗天曆二年八月自庚子至丙午皆晝霧夜晴 至

順元年五月壬戌歸德府之譙縣霧傷麥

順帝至元四年四月京師晝晦

時荊州分域有鬼夜叫云苦也苦幾時泥到襄陽府

及早視之凡樹木皆用泥和猪狗血泥之

至正元年四月戊寅彰德晝晦如夜 三年三月至四

月忻州風霾晝晦 二十四年六月丁未黑氣晦暗如

夜 二十七年二月永州晝晦城中人舉燈而食雞棲

於時踰時方明庚子京師晝晦六月丙午日食晝晦

臣等謹按王圻續通考載文宗至正十七年秋七

月京師晝晦不辨人物自旦至午方消如是者旬

有五日二十一年四月朔日未沒三四竿許忽然

無光漸作蕉葉樣天昏黑如夜星斗燦然飯頃方
復舊天再開朗星斗亦隱又少時日乃沒紀志皆
不載

明太祖洪武十八年二月久陰

惠帝建文元年七月癸酉燕王起兵風雲四起咫尺不
辨人少馬東方露青天尺許有光燭地洞徹上下

英宗正統五年七月戊午己未及癸亥曉刻陰沉四方
濃霧不辨人 八年邳海二州陰霧彌月夏麥多損

景帝景泰六年正月癸酉陰霧四塞既而成霜附木凡五日八年正月甲子陰晦大霧咫尺不辨人物

王圻曰景帝景泰六年二月二十八日

清明後二日旦

時微風自西北來至辰刻漸大沙土溷然東驚其色正黃如朽染然土沾人手面洒洒然如濕頃之天地晦暝色映牕牖間如血紅室中不辨人已而紅色漸黯黑至午未時復黃稍開朗人相顧慘愕至三月初二日微雨後忽黃氣四塞日色如青銅

無風而雨土拂之如塵積地皆黃色昏益甚明日
大雨時或紅黑至初六日始作東北風七日又雨
八日始霽

英宗天順八年二月壬子風霾晝晦

憲宗成化四年三月昏霧蔽天不見星日者累晝夜

六年二月丁丑開封晝晦如夜黃霾蔽天三月辛巳雨

霾晝晦 九年三月甲午山東黑暗如夜癸未濟南諸

府狂風晝晦咫尺莫辨四月丁卯山東黑暗如夜 二

十年五月丙申番禺天晦良久乃復 二十一年三月
戊子大名風霾自辰迄申紅黃滿空俄黑如夜已而雨
沙數日乃止京師自正月至三月風霾不雨 二十三
年十二月辛卯大霧不辨人

孝宗弘治二年二月開封晝晦如夜三月黃塵四塞風
霾蔽天者累日 四年八月乙卯南京晦冥

武宗正德五年三月甲子大風霾天色晦暝者數日

十年四月鉅野陰霧六日殺穀 十四年三月戊午陰

晦 十六年十一月辛酉甘肅行都司黑風晝晦翌日
方散

世宗嘉靖元年正月丁卯日午昏霧四塞九月己巳大
風霾晝晦 三年江北昏霧其氣如藥 八年正月戊
戌朔風霾晦如夕 二十六年七月乙丑甘州五衛風
霾晝晦色赤復黃 二十八年三月丙申風霾四塞日
色慘白凡五日 三十年正月辛卯大風揚塵蔽天晝
晦 四十年二月己酉大風揚塵蔽天晝晦四月癸巳

大風雨黃土晝晦 四十三年三月望異風作赤黃霾
至二十一日乃止

穆宗隆慶二年正月元旦大風揚沙走石白晝晦冥

自北

畿抵江
浙皆同

神宗萬曆十七年正月乙丑蓋州衛風霾晝晦壞廨宇

廬舍 二十五年二月戊寅京師風霾 二十九年四

月連日風霾 三十八年四月戊戌崇陽風霾晝晦至

夜轉烈損官民屋木無算 四十八年八月以前雲南

諸府時晝晦

熹宗天啟元年四月乙亥午寧夏洪廣堡風霾大作墜
灰片如瓜子紛紛不絕踰時而止日將沉作紅黃色外
如炊烟圍罩畝許日光所射如火燄夜分乃沒 四年
二月辛丑風霾晝晦塵沙蔽天連日不止 六年閏五
月丙戌霧重如雨六月己未如之

愍帝崇禎元年正月癸亥永年縣晝晦咫尺不辨人物
七年三月戊子黃州晝晦如夜 十三年閏正月丙

申南京日色晦朦風霾大作細灰從空下五步外不見
一物 十七年三月丙申風霾晝晦

欽定續文獻通考卷二百二十四